

➔ Ko nashti te drominel ani zona Shengen?

X Personya kay figurinena ani lista e personyengo kay siton darakeripe vash rendo, publikuno sastipe thay andruno siguripe.

X Personya pedral kola dendilo masa e aqhaviopesko vash khvuipe sar ini ano yekh kotar o thgana e zonako Shengen, vay sine subyekti yekh mangipesko e duryaripesko, duryaripe e zoreya (iranipe vay deportipe), kay may but phiravgyona vash sure e nakrisyune beshipesko.

➔ Shay te refuzingyola o khvupe ano thema e zonake Shengen?

Samatredaki policia e themeski Shengen sila hako te aqhavel o khvuo e sakole dizuneske te sine kay:

X Na sile pasaportya e mangle validiteteyta (minimumi 3 masek palo periodi planifikimo e iranipesko kotar e zona Shengen);

X Mothavela o falsifikime dokumentya;

X Na sile dokumentya kay mothavena o resipe e dromipesko;

X Na mothavela o mothavipe vash mangle financialune vastushya vash te uqharen o beshipeske harjipya;

X Nakhavgya o 90 dive e beshipesko ano periodi kotar 180 dive;

X Mothavela riziko vash publikuno siguripe, publikuno sastipe vay mashkarthemutne ledeipya vay yekh vay may but thema ano Shengen;

X Kana sile o detalya kay o personi sito astardo ano kriminalune aktivitetiya vay mothavipe kay sile pe resipe vay ayekha diso.

➔ Mangla te phenel o liberalizipe butyaripe ano thema kay si ani zona Shengen?

Na! Liberalizipe e vizengo ani niyekh sura na kanleinla shaipe e butyaripesko ano thema kay si ani zona Shengen.

➔ Shay te aplikinav vash studentyengi viza te sine kay planirinava te drominav ani zona Shengen vash studie?

Va, tumen musay te aplikinen vash yekh studentyengi viza te sine kay godinena te agorinen o studie kay nakhavena 90 dive beshipe ani zona Shengen andar yekh periodi kotar 180 dive. Vash studie musay te aplikinen vash yekh studentyengi viza ji kay o mangle dokumentya thay regule yaveringyona kotar o than ano than. Ayekha kay rekomandingyona kay te konsultinngyoven e ambasada vay thaneska konsulatakote planirinena te shrden o studie.

➔ Vasno:

Khvupe bizo vize ani Evropaki Unia na sito garantimo. Khvupe shay te refuzingyol kotar samatredaki policia te sine kay na situmen pasaporti validyuni e mangle vahteya, na situmen dokumentya kay mothavena o resipe e dromipesko thay mothaviupe kay situmen dosta financiarune vastushya vash planifikimo beshipe ani zona Shengen, vay ano nakhipe giriqingyen 90 dive e beshipesko ano periodi 180 dive.

Vash may buderi informacie vizitineni:
<https://integrimievropian.rks-gov.net>

#BizoVize



Republika e Kosovës

Republika Kosova – Republic of Kosovo – Kosovaki Republika
Qeveria – Vlada – Government – Raibe

Liberalizipe e vizengo vash e Kosova



➔ Kana shay te drominav bizo vize?

1 yanuari, 2024

➔ Kobar dive shay te beshav ani zona Shengen?

Dromipe bizo viza delatumen shaipe vash harne vahtuno beshipe ji pe 90 dive andar periodi kotar 180 dive (sakova shov masek).

➔ Sar gengyola periodi 90 dive andar periodi kotar 180 dive?

Periodi 90 dive shrdela sar kotar o momenti kana khuvana angluni ver ani zona Shengen. Misal, te sine kay pe data 1 yanuari 2024 khuvana angluni bver ani zona Shengen, avutno periodi shov masekuno shrdela palo 180 dive vay qaqipeya pe 29 yuni 2023. Ayekha kay andar akala 180 dive tumen shay te beshen ani zona Shengen numay 90 dive. Te sine kay drominena buti ver ani zona Shengen, tumen musay te genen o aqhile dive kotar paluno periodi shov masekuno.

➔ Save dokumentya musay te lav manca?

- ✓ Biometrikuni pasaporta (validyuni may hari vash trin masek palo dive e duryaripesko kotar zona Shengen);
- ✓ Mothavipe vash resipe e dromipesko ani zona Shengen;
- ✓ Mothavipe vash beshipe thay rezervipe e hotelesko vay yaver detalya e thaneske kote ka beshen;
- ✓ Detalya e dromipeske, leindoy kotar rezervipe e iranipeska biletako;
- ✓ Te sine kay dromingyola e vrda, mangle dokumentya e vrdake;
- ✓ Mothavipe kay situmen dosta financierune vastushya.

➔ Shay te drominav vash sastipesko sebepi?

Kana mothavgyola o sebepi tumenge dengyola shaipe e dromipesko ani zona Shengen vash sastipesko tretmani. Akava dromipe musay te ovel andar maksimaluno periodi kotar 90 dive. Phangloj e themeya kova vizitingyola tumendar shay te rodingyon ververutne dokumentya sar kotar e verifikipesko e kondiciengo vash tumaro beshipe. Misal, tumendar shay te rodingyola mothavipe kotar sastipeski institucia kay ajukerla tumen vash sastipesko tretmani planifikimo vay kharipeya vash sastipeske analize. Savaht te theren sama kay sastipesko tretmani musay te agorinel andar periodi 90 dive. Te sine kay tretmani ka lungyarel may but se 90 dive, odoya ver musayg te sigurinen e mangli viza prekal godorni ambasada

➔ Save aqhipya shay te theren vash eventulauno uhskavipe?

Te sine kay ovna eventualune uhskavipyay thay abuzipe e dromipesko bizo vize, personaune aqhipya astarena: deipe e financierune krisipesko, ofisialuno hramipe ani pasaporta thay tumari dosya kote figurinela o uhskavipe e Shengen sistemsko sar ini aqhavipe e khuvipesko ani zona Shengen ji pe 5 bersh.

